

Jān Būreejtōn Dieter F. Uchtdorf

Rikakpilōklōk eo Kein Karuo ilo  
Būreejtōnji eo Kein Kajuon



# Mour An Juon Rikaḷoor

Jilṅuuḷ iiō ko remootḷok ilo Ghana, juon rijikuuḷ in kaḷōj etan Doe ekar deḷoṅeḷok juon mōnjar an LDS kein kajuon ilo mour eo an. Juon leddik mōttan ekar karuwaineneik Doe bwe en ilōk ippān, im Doe ekar kōṅaan jeḷā kōn Kabuñ in.

Armej ro ijōṅ rekar lukkuun emṅman im jouj joñan liin eaar ejjeḷok men eaar wōjake ak bwilōñ wōt, “Kain kabuñ rot in?”

Doe ekar lukkuun bwilōñ joñan ekar pepe ippān ṅan katak eḷapḷok kōn Kabuñ in im armej ro an, ro raar obrak kōn lañlōñ. Ak iien eo wōt ekar jino kōmṅmane menin, jet uwaan baamḷe eo an im ro mōttan rekar juṅae an ekkatak kōn Kabuñ in ilo jabdewōt wāween. Rekar kōnono kōn men ko renana kōn Kabuñ in im kar kōmṅmane aolep men remaroñe ṅan kareel e bwe en jab kobaḷok ie.

Ak Doe ekar bōk juon naan in kaṅpool.

Ekar wōr an tōmak, im ekar iakwe gospel in, eo ekar kobrak mour eo an kōn lañlōñ. Kōn menin, ekar wanlaḷḷok ilo dān in peptaij.

Tokālik, ekar leḷok e make ilo ekkatak im jar. Ekar jitḷok im pukot imṅwe eo an Jetōb Kwojarjar ilo mour eo an. Āinwōt juon uwaak, naan in kaṅpool eo an Doe im tōmak eo an rekar kajoorḷok im mṅwilalḷok. Im ālīkataka ekar pepe ippān ṅan an etal im jermal e juon mijen aolep raan ṅan Irooj.

Ālkin an kar roḷtok jān mijen eo an, ekar jerāiki im ṅareiki bar juon eo ekar bar roḷ jān an mijinede—eja e eo wōt ekar peptaij liin iiō ko mōktaḷok—im tokālik rekar liāp ilo Johannesburg South Africa Temple.

Elōñ iiō emōj aer mootḷok jān iien eo Doe Kaku ekar jinointata eñjake lañlōñ eo an gospel eo an Jisōs Kraist. Jān tōre eo, mour ekar jab aolep iien emṅman ṅan e. Liin eaar niknik ilo ijo an kōn rup bōro im ebbwer, ekoba mej eo an ajri ro ruo nejin—būromōj eo epen an eñjake kein rej eddo wōt ilo būruwōn.

Bōtaab e im ḷeo pāleen, Anthony, rekar kajjieoñ epaake wōt doon im Jemāer Ilañ, Eo rej iakwe kōn aolepān būruweer.

Rainin, 30 iiō ko remootḷok ālkin an kar peptaij, Sister Kaku ej kab mōj an kadedeikḷok bar juon mijen—iien in kar e im ḷeo pāleen, eo ekar juon mijen būreejtōn ilo Nigeria.

Ro rejeḷā kajjeen Sister Kaku rej ba bwe ewōr juon men eo ejenḷok ippān. Elukkuun alikkar an mōṅōṅō. Elukkuun pen joḷok ad iien ippān im jab maroñ eñjake an ḷapḷok aṅ mōṅōṅō.

Naan in Kaṅpool eo an elukkuun kajoor: “Ijeḷa bwe Rilōmōḡ eo ej kalimjōk e āinwōt leddik eo Nejin im mōttan (lale Mosaia 5:7; Ether 3:14),” Ej ba. “Im ij ekkatak im kajjieoñ bwe in erom Jeran barāinwōt—jab wōt kōn ta ko ij ba ak barāinwōt kōn ta ko ij kōmṅmani.”

## Jej Rikaloor ro

Bwebwenato eo an Kaku ejjeļok oktak jān ko an ro rellōn. Ekar wōr an ikdeelel nān jeļā mool eo, ekar kōļļā wōnāān eo nān bōk meram in jetōb eo, ekar kōmeļeļeik an iakwe nān Anij im ro riturin, im ilo iaļ in an ekar ioon wāween ko reppen im kabūromōj mōj.

Bōtaab jekdōon ta jumae eo, jekdōon ta būromōj, ekar wōnmaañļok wōt ilo tōmak. Im ejja āinwōt an aorōk, liin eaar dāpij wōt lañlōn eo an. Ekar loe juon wāween bwe en jab kijenmej wōt kōn wāween ko reppen an mour in bōtaab nān kajjieon tiljek mekarta ke reppen.

Bwebwenato eo an ejjeļok oktak jān eo aṃ im nā.

Ejeja an iaļ in ad metal ak an jab wōr mālijoñ.

Kōj ewōr ippād metak bōro, ebbeer, būromōj.

Jemaronē nējake ad ebbeer im ilo jet iien tōrjān joñan.

Bōtaab ro rej mour mour an juon rikaloor—ro rej tiljek im wōnmaañļok wōt ilo tōmak; ro rej lōke Anij im kōjparok kien ko An;<sup>1</sup> ro rej mour kōn gospel eo raan nān raan im awa nān awa; ro rej leļok jermal in jipañ an āinwōt an Kraist nān ro ipeļaaķier, juon jermal emṃan ilo juon iien—rej ro me kōmṃan ko aer reddik emakijkij aer kōmṃane juon oktak eļap.

Ro me eļapļok jidik aer jouj, eļapļok aer jeorļok bōd, im kwaļok eļapļok tiraimō kake rej ro retiraimō kake renaaj bōk tiriamō kake.<sup>2</sup> Ro me rej kōmṃan bwe laļ in en juon jikin emṃanļok, rej kōmṃane juon jermal in kea im iakwe kajjojo iien, im er ro rej kajjieon in mour juon mour ejeraamṃan, im eanōmṃan an juon rikaloorēn Jisōs Kraist rej ro renaaj lo lañlōn.

Renaaj jeļā bwe “iakwe eo an Anij, eo kajeeded e ijoko jabdewōt ilo būruōn ro nejn armej . . . elukkuun ļap kōttōpare jān men ko otemjej . . . im kaṃōñōñō tata nān jetōb.”<sup>3</sup>

### KAKEEMEMEJ KO

1. Lale Mosaia 4:6.

2. Lale Matu 5:7.

3. 1 Nipai 11:22–23.

## KATAKIN JĀN ENNAAN IN

Būreejtōn Uchtdorf ej katakin kōj bwe iaļ eo an rikaloor epen ak bwe ro rej mour aenōmṃan āinwōt juon rikaloor an Jisōs Kraist rej ro renaaj ilo jemļokin lo lañlōn. “Āinwōt an Būreejtōn Uchtdorf bwebwenato kōn bwebwenato in an Doe nān kōmeļeļeik juon rikaloor

emool an Kraist emaronē lo aenōmṃan im lañlōn meñe mālijoñ ko ilo mour, bōlen komaronē kwaļok juon bwebwenato jān mour eo aṃ make etke kwaar kāalet nān juon Kraist im ewi wāween An kar kōkajoorļok eok. Ñe kwōj bōk tōl jān Jetōb eo, kwaļok bwebwenato ko aṃ make remaronē kōkajoorļok ro kwōj katakin.

## JODIKDIK RO

### Lañlōn āinwōt juon Rikaloor an Jisōs Kraist

**E**mōj ke an wōr aṃ juon raan enana? Ta eo kwaar kōmṃane nān kaṃōñōñōik eok? Būreejtōn Uchtdorf ejjeļā bwe “kōj ewōr ippād metak bōro, ebbeer, būromōj ko ad. Jemaronē nējake ad ebbeer im ilo jet iien tōrjān joñan.”

Uwaak eo an nān ṃamejjan menin ej mour kōn ta eo ej ṃaetan “juon mour an rikaloor”: “tiljek wōt im wōnmaañļok wōt ilo tōmak.” Ñe jej wōnmaañļok wōt ilo tōmak, jej maronē lōke Anij, kōjparok kien ko An, im jermal nān ro jet—im lañlōn ilo aolepān. Āinwōt an Būreejtōn Uchtdorf kar ba, “Ro rej mour mour an juon rikaloor . . . rej ro me ṃakūt kūt ko aer reddik emakijkij aer kōmṃane juon oktak eļap.”

Ĵōmṃak ippaṃ nān kōmṃane juon laajrak in wāween ko me komaronē mour kaki āinwōt mour an juon rikaloor. Āinwōt juon wāween, komaronē je juon Ĵōmṃak in jermal in jipañ āinwōt “Jipañ juon ṃama ak baba kōpooje ṃōñā in jota ko” ak juon Ĵōmṃak nān kōjparok kien ko āinwōt “Jar bwen ļapļok aṃ kijenmej ippān ro jeim im jatūṃ. Tokālik ñe kwōj inepata ak tōrjān joñan, kwaļok laajrak eo aṃ, kālet juon Ĵōmṃak, im kajjieon e!

## AJRI RO

### lien Mōñōñō im lien Būromōj ko

**J**et iien ko me rejjab lukkuun kaṃōñōñō. Im menin **JEMMAN**. Jisōs emaronē jipañ kijooni iien kein.

Jiñaik turin mejān juon armej ej kōraat. Ewi wāween an Jisōs jipañ eok ñe kwōj būromōj? Jiñaik turin mejān juon armej ej kōraat. Ewi wāween an Jisōs jipañ eok ṃōñōñō?



# Mour juon Mour Ekwojarjar

*Kanooj jar ilo aṃ ekkatak kōn katak in im pukōt inṃwe nān jeḷā ta eo naaj tilmaake. Ekōjkan ad naaj meḷeḷe unleplep eo an Doulul eo an Kōrā ro rej kōpooj leddik ro nejin Anij nān kōjeraaṃṃan ko an mour indeeo?*

Tōmak, Baamḷe, Deor

“Nān kōkwojarjar ej nān kōjo-nolōk ak wujleḷōk juon men eo āinwōt an ekwojarjar, wujleḷōk nān jibadbad ko rekwojarjar,” Elder D. Christofferson jān Doulul eo an Joñoulruo Rijilōk ro ekar ba. “Tōp-rak eo eṃool ilo mour in ej itok mour ko ad rekwojarjar—āinwōt in, iien ko ad im kāālet ko—nān jibadbad ko an Anij.”<sup>1</sup>

Elder Neal A. Maxwell (1926–2004) jān Doulul eo an Joñoulruo Rijilōk ro ekar ba, “Jej kajjieōn ḷōm-ṃak kōn kwojarjar eo wōt āinwōt ej eddōkḷōk, nē tōl eo ekwojarjar ej tōl, men ko ṃweied. Bōtaab kwojarjar eo eḷaptata ej eddōkḷōk jān juon make armej nān Anij.”<sup>2</sup>

Ilo ad kōkwojarjar kōj make nān jibadbad ko an Anij, tōmak eo ad ilo Jisōs Kraist im ilo Pinmuur eo An enaaj ḷapḷōk. Ilo ad mour juon mour

ekwojarjar, jemaroñ bōk kwojarjar jān ṃakūtḷōk kein.

Carole M. Stephens, Rikakpi-lōklōk eo Kein Kajuon ilo Būreej-tōnji eo an Doulul eo an Kōrā ro, ekar ba: “Elder Robert D. Hales ekar katakin, “Nē jej kōṃṃan im kōjparok bujen ko, jej diwōjḷōk jān laḷ in im deḷōñḷōk aelōñ in kiiñ eo an Anij.’

“Jej oktak. Eoktak piktokid, im ṃakūtḷōk ko ad roktak. Men ko jej roñjaki im riiti im ba rej oktak, im nuknuk ko jej kōṃṃan roktak kōnke jej eromḷ leddik ro nejin Anij eṃōj likwōj er Ippān kōn bujen.”<sup>3</sup>

Kōkwojarjar ej bujen eo Anij ej kōṃṃan “ippān ṃōn Israel ālikin raan kein, Jeova ej ba. Inaaj likūt kien eo Aō ilo er, im Inaaj je e ioon būruer, im Inaaj Anij eo aer, im renaaj armej ro doō” (Jeremaia

31:33). Mour juon mour ekwojarjar ej inemṃan ippān karōk eo an Anij nān kōj.

## Bar Jet Eoon Ko

1 Tessonika 1:3; Katak im Bujen ko 105:5; [reliefsociety.lds.org](http://reliefsociety.lds.org)

## KAKEMEMEJ KO

1. D. Todd Christofferson, “Reflections on a Consecrated Life,” *Liahona*, Nov. 2010, 16.
2. Neal A. Maxwell, “Consecrate Thy Performance,” *Liahona*, July 2002, 39.
3. Carole M. Stephens, “Wide Awake to Our Duties,” *Liahona*, Nov. 2012, 115–16.

## ḷōmṃak kōn Menin

Ewi wāween an mour ko ad ilo ad kōkwojarjari nān Irooj jipañ kōj eromḷ āinwōt E?